



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

14. Dies Augusti. Homo, Deum tanti debet habere, quanti est habendus;
tanti verò habendus est, quantus est.

urn:nbn:de:hbz:466:1-45477

Augustus.

Tessera.

633

Augustus, qui cum daret civitatem
cuiusdam dicendi, non convenire civitatem humili
fortunæ suæ, respondit: *Non quæro, quid oporteat te
accipere: sed quid deceat me dare.* Cuius autem est in-
tegrum, esse munificum. Nam juxta Tesseram, cui
magnus est animus, illi non parvus est census; quia
modus pietatis non pendet à mensura rei familiaris.
Licet enim quis habeat multa, alius pauca: non ideo
tamen discrepat fructus operum, ubi non deest affe-
ctus operantium. Denique, dos propria est libera-
lium: [a] *In donando valdè excellere*, ait Aristoteles,
exuberare, & quodammodò fluviorum instar, mu-
nificentiae amore, & studio, extra ripas vetut diffue-
re: existimare se debere, quod spontè tribuit: nihil-
que se præstitisse, nisi in beneficiis suis creverit: mu-
niera oblata spernere, accepta effundere. Tamen si fa-
ctum verum esse illud Poetæ:

Qui spernat munus? non est è millibus unus,

14. DIES AUGUSTI.

Homo, Deum tanti debet habere, quanti est haben-
dus; tanti verò habendus est, quantus est. *Guigo
in medit. c. 9.*

Religio. I. **I**nter virtutes morales, primas occu-
pat, quæ dignate est prima, Religio.
Itaque ducerem mihi Religionem; si
cum tanta sit, præterire virtutem
Religionis. Dari naturalem Religionis virtutem,
cum sit conspirans omnium gentium consensus, est
extra omnem dubitationis aleam. Religio, quâ de-
hic agimus, tota occupatur circa cultum Deo de-
bitum.

R. s

[a] l. 4. *Ethic.*

bitum. Itaque supremus cultus, quem Religio
 spicit, soli Deo debetur. Cultus autem ille potest
 haberi per actus, partim externos, partim internos
 & inter hos non modò voluntatis, sed & intellectus
 id est, summam existimationem internam, quam
 Deo habere possumus. Præclare de hac æstima-
 tione Auctor hodiernæ Tesserae. *Rationalis crea-
 tura vera perfectio est, unamquamque rem tanti ha-
 bere, quanti habenda est. Nam pluri, vel minori
 eam habere, errare est. Deum itaque tanti debet ha-
 bere, quanti habendus est: tanti verò habendus est,
 quantus est. Tanti autem, quantus est, habere eum ni-
 mo poterit; nisi quantus est, noverit. Sed quantum
 sit, non nisi à seipso nosci poterit perfectè. Sicut igitur,
 solus ejus de se sibi perfectà cognitio; ita solus ejus de se
 æqualis, & par est ex toto dilectio. Solus quippe
 quia perfectè quantus est, novit; perfectè, quantus
 est, diligit. Quæ ergò creatura rationalis perfecti
 tanti Deum habere, quanti à se, id est, creatura ra-
 tionali habendus est. Quanti autem habendus? Tanti,
 nihil ut ei præferatur, nihil æquetur, nihil pro media,
 nihil pro tertia, nihil pro quantacunque usque in
 infinitum parte comparetur.*

II. Cùm igitur, Dei tanta, quanta non potest
 concipi, sit dignitas; quanta illa indignitas pessima
 quæque, & minima, præferre Optimo, & Maximo
 Jure igitur eos, qui è rebus conditis, spreto ex-
 rum Conditor, humiles emendicant delectatio-
 nes, ad satiandas insatiabiles cupiditates, copiose
 inopiæ, & ignominiosæ gloriæ Augustinus in-
 mulat, his verbis: (a) *Quid amas, ut Deum non*

[a] In Psal. 79.

Amas? dic mihi? Ama si potes aliquid, quid ille non fecit? Circumspice universam creaturam: vide, utrum alicubi cupiditatis visco tenearis, & à diligendo Deo impediaris: nisi cære, quam creavit ipse, quam negligis. Quare autem, amas ista, nisi quia pulchra sunt? possuntne esse tam pulchra, atque ipse, à quo facta sunt? Miraris hæc, quia illum non vides; sed per ea que miraris, ama, quem non vides? Interroga creaturam; si à seipsa est, remane in illa: si autem ab illo est, non ob aliud perniciofa est amatori, nisi quia præponitur Creatori. Sic miseri, quæ Deus condidit in hominis bonum; vertimus in nostrum malum, dum pulchritudine corporum, & dulcedine saporum, & illecebrâ bonorum, & splendore facultatum, sinimus nos abripi à Deo, ad ea, quæ propter nos fecit Deus.

III. Non amandæ igitur res creatæ, nisi eâ moderatione, quam in Meditationibus præscripsit S. Augustinus. (a) Si autem ista diligis, ait, ut subjecta dilige, ut famulancia dilige, ut arrham sponsi, ut munera amici, ob beneficia Domini: sic tamen, ut memineris semper, quid illi debeas: nec ista propter se: sed ista propter illum: nec ista, propter illum. & per ista, illum, & super ista, illum diligas. En præclaram regulam, quâ notiter regendus est amor, cultus, & æstimatio erga Deum. Christianæ perfectionis æmulator strenuus, juxta hæc puncta suam conscientiam excutiat, & dirigat, Inveniet facile, quam rectam arbitratur, plerumque detortam esse creaturarum dilectionem: & super æquum æstimationem: & quod eas non in Creatore, & propter Creatorem; sed in

[a] Suprà.

in seipsis prò polor ! & propter seipsas amore prosequatur. Hæc quisquis legis, attende, expende, parè & cave. Interim Religio, sive cultus Dei, & amatio, inter omnia sint tibi maximo in pretio. Nemo enim cultum Dei impunis neglexit, imò nec inter Ethnicos, Deorum. Cujus rei fidem facient ter innumera exempla, unum: Cambyles, Cynanius, quinquaginta hominum millia misit ad Jovis Ammonis templum diripiendum, & incendio tradendum; at cum inter Oaxim, & Ammonem prænissent, subitâ ventorum tempestate, arenarum cumulis obruti sunt; nec ex tanto agmine nuntius repertus est. Si hæc Dii! quid Deus? sentiet potius in ultimo judicio, quas evasit in præsentis sæculo. De illo quid dicam, nisi cum vate:

Vae misero mundo, veneris cum Christe secundo.

15. DIES AUGUSTI.

Mariæ magis placet imitator devotus; quàm laudator otiosus. *Ildephonsus, 1. de Assumpt. B. V.*

Mariæ ad I.
coelum
assumptio.

Solemunitas assumptæ in coelum MARIÆ Virginis, est celebratio in terris Mariani Paschatis. Hæc juxta Tesseram, plus requirit eam

cum vivendi integritate imitorem; quàm cum incendi facultate laudatorem. Porro, rerum in hac virgine laudabilium, tanta est silva; ut debeam in ubertate modum potius, quàm in jejunitate copiam aucupari. Habuimus antea advocatum apud Patrem, JESUM: nunc habeamus advocatam apud Patrem & Filium, MARIAM. Ut antea à Patre Filio, sic modò à Filio, Matri data est omnis potestas